



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

§. 6. De Ministro Pœnitentiæ.

[urn:nbn:de:hbz:466:1-62040](#)

componendi, aut illa sub certo modo & forma remittendi, & deputandi confessarios cum potestate absolvendi etiam à Casibus Sedi Apostolicæ reservatis, facultates, concessions, indulta quibuscunque Ecclesiis, Monasteriis, hospitalibus, piis locis, Universitatibus, Fraternitatibus quibuslibet tam in perpetuum, quam ad certum tempus in vita seu mortis articulo quovis modo vel causâ concessa durante anno Jubilæi esse suspensa: quæ tamen clatio anno

Jubilæi absque nova concessione vim suam recuperant. Excipiuntur indulgentie pro defunctis, quæ temporis anni Jubilæi in suo vigore manent. Indulgentia instar Jubilæi est, quando præter plenam peccatorum remissionem certa conceduntur privilegia, ut confitendi cuique confessario approbato, absolvendi à quocunque casu reservato, commutandi vota. Si hæc privilegia non adsint, est simpliciter indulgentia plenaria.

§. Sextus.

D E

Ministro Pœnitentiæ.

Quæres primò. Quis Minister Sacramenti Pœnitentiæ.

R. Cum Concil. Florentino in decreto Eugenii: Minister hujus Sacramenti est Sacerdos habens autoritatem absolvendi vel ordinariam vel ex commissione Superioris, quod confirmat Trident. Seff. 14. cap. 7. declarans nullius momenti absolutionem eam esse; quam Sacerdos in eum profert, in quem ordinariam vel delegatam non habet jurisdictionem.

Cui superaddit Seff. 23. cap. 15. Nullum etiam regularem posse confessiones Sæcularium, etiam Sacerdotum audire, nec ad id idoneum reputari, nisi aut Parochiale beneficium, aut ab Episcopis per examen, si illis videbitur esse necessarium, aut alias idoneus judicetur, & approbationem obtineat: pri-

R. D. Schnorrenberg Inst. J. Can.

vilegiis & consuetudine quacunque etiam immemoriali non obstantibus. Ex his colligitur in Ministro pœnitentiæ tria ad valorem absolutionis requiri: 1mò. Ordo Sacerdotalis, 2dò. Approbatio Episcopi, 3rđ. Jurisdictio in pœnitentem. Patet quoque jurisdictionem distingui ab approbatione, cum hæc sit nudum Episcopi Judicium de idoneitate: illa autem sit expedita in actu secundo Jus dicendi facultas.

Quæres secundò. An solus Sacerdos Minister Sacramenti Pœnitentiæ?

R. Affirmative. Quia Jus ligandi & solvendi solis permisum est Sacerdotibus. Can. Verbum. 51. dist. 1. de Pœnitent. Mediator enim DEI & hominum homo Christus JESUS hanc Præpositis Ecclesiæ tradidit potestatem, ut & consentientibus pœnitentiæ Satisfactionem

S s darent,



darent, & eadem salubri satisfactione purgaros ad communionem Sacramentorum per januam reconciliationis admitterent. *Can. multiplex. 49. dist. 1. de Pœnit.* Quod convenienti soli Sacerdoti, qui ritè fuerit ordinatus juxta claves Ecclesiæ, quas ipse concessit Apostolis eorumque Successoribus. *Cap. 1. de Sum. Trinit. §. una.* Ideo per *Trident. Sess. 14. cap. 6. & Can. 10.* damnantur, qui ad alios quovis homines præter Episcopos & Sacerdotes clavium ministerium pertiniosè extendunt.

Nec objicias *cap. 2. de furtis.* ubi fur communione non privatur, si Presbytero vel Diacono fuerit confessus. Et quod in *Can. quem pœnit. 88. dist. 1. de Pœnit.* dicitur, & simul repetitur in *Can. 1. dist. 6. de Pœnit.* Tanta est vis confessionis, ut si desit Sacerdos, confiteatur proximo; nam quamvis ad humiliacionem quis in necessitate confiteri possit Laico vel non Presbytero, attamen à non Presbytero nullus Sacramentaliter absolvii potest. Ut enim in *cit. loc. sub-jungitur:* Et si ille, cui confitebitur, potestatem solvendi non habeat, fit tamen dignus veniâ ex Sacerdotis desiderio, qui Socio confitetur criminis turpitudinem. Potest igitur quis, ut ait *Gloss. in cap. Pastoralis. 11. de officio Ordinar.* §. *præterea. verb. articulo mortis.* confiteri Laico in necessitate, sed Laicus non potest ipsum absolvere vel ligare, quia non habet claves Ecclesiæ. *cap. 1. de Sum. Trinitate.*

Quæres tertio. Qualiter in ministro Pœnitentiæ necessaria approbatio?

¶ Nulli potest committi jurisdictio

ad absolvendum aliquem seculariem in foro pœnitentiali, nisi habeat vel Parochiale beneficium, vel approbationem Episcopi, quæ est hujus authenticum de idoneitate ministri testimonium ad Sacramentale munus obeundum, constat ex *cit. Trident. Sess. 23. cap. 15.* Circa quam approbationem singulariter notanda sunt sequentia:

1^{mo}. Varia Ordines Regularium, maximè Mendicantes ob specialia merita & animarum fructum, quem in Ecclesia fecerunt, à Summis Pontificibus obtinuerunt Privilegia circa administrationem Sacramentorum, auditionem confessionum, sepulturam fidelium &c. Occasione horum Privilegiorum inter Episcopos & Rectores Ecclesiarum Parochialium ex una parte, & Ordines mendicantes ex altera, pacis æmulo fatore zizaniorum procurante graves & periculosa discordia sunt iuscitatæ. Ad has sopiendas Bonifacius VIII. in *Extray. super Cathedram. 2. de Sepulturis.* Circa auditionem confessionum sequentia ordinavit. 2^{mo}. Ut in singulis Civitatibus & Diœcesisibus, in quibus loca Fratrum Prædicatorum & Minorum confitente dignoscuntur, vel in Civitatibus & Diœcesisibus locis ipsis vicinis, in quibus loca hujusmodi non habentur, superiores prædictorum Regularium ad præsentiam Prælatorum eorundem locorum se conferant, per se vel per Fratres, quos ad hoc idoneos putaverint, humiliter petituri, nt Fratres, qui ad hoc electi fuerint, in eorum Civitatibus & Diœcesisibus confessiones subditorum suorum confiteri sibi volentium liberè

liberè audire valeant, & hujusmodi con-
fidentibus, prout secundum Dœum ex-
pedire cognoverint, pœnitentias impo-
nere salutares, atque eisdem absolutio-
nis beneficium impendere de licentia,
gratia & beneplacito eorundem. *De-*
inde ut superiores eligere studeant per-
sonas sufficietes, idoneas, vitâ pro-
batas, discretas, modestas, atque peri-
tas ad tam sublime ministerium, & offi-
cium exequendum: quas sic electas ab
ipsis præsentent, vel faciant præsentari
Praelatis, ut de eorum licentia, gratia,
& beneplacito in Civitatibus & Diœcesi-
bus confessiones audiant, extra civi-
tates & Diœceses, in quibus fuerint
deputatae, confessiones nullatenus audi-
turæ. Numerus autem personarum as-
sumendarum ad hujusmodi officium ex-
ercendum esse debeat, prout Universi-
tas Cleri & populi, ac multitudo & pau-
citas exigit eorundem. *3iò.* Demum, si
Praelati, id est Episcopi, quenquam ex
dictis Fratribus præsentatis ad hoc offi-
cium nollent habere, vel non ducerent
admittendum: eo amoto vel subtraicto
alius iisdem præsentandus deberet sub-
rogari. Quod si autem Episcopi præ-
fatis Fratribus ad confessiones audiendæ
electis hujusmodi licentiam exhibe-
re recusarent, Pontifex ex tunc ipsis,
ut confessiones sibi confiteri volentium
liberè & licitè audire possint, concedit
de plenitudine Apostolice potestatis.

Cum per hanc moderationem æmula-
tiones inter Clerum Regularem & sœcu-
larem nondum sublatæ essent, Benedi-
ctus XI. Bonifacium secutus magis pro-
pendens in favorem Regularium in Ex-

trav. Inter cunctas, 1. de Privileg. Circa
Sacramentum Pœnitentie sequentia or-
dinavit. Imprimis, ut electi Fratres à
Superioribus suis ad audiendas confes-
siones liberè authoritate Apostolicâ, abs-
que licentia Diœcesanorum, & aliorum
Praelatorum inferiorum exemptorum vel
non exemptorum, quibus subsunt, qui
ad confitendum accedunt, audiant eis
peccata sua confiteri volentes: Nec con-
fessi ipsis Fratribus peccata illa, de qui-
bus confessi sunt eis & absoluti pœni-
tentes, de illis Sacerdotibus propriis
iterum confiteri teneantur: non obstan-
te constitutione Generalis Concilii *in*
cap. omnis utriusque sexus: sed Sacerdo-
tes ipsis taliter confessi & absolutis ad-
stricti sint ministrare Eucharistie & ex-
tremæ unctionis Sacraenta. Ut tamen
Diœcesanis honor debitus servetur, præ-
cipit Pontifex, ut superiores vel per se
vel per alios verbo vel scripto illis sig-
nificant, se Fratres ad hujusmodi con-
fessionum audiendarum officium elegi-
se, & non nominando, aut coram ipsis
sistendo eos, nec illorum numerum ex-
primendo, perant humiliter à Diœcesa-
nis eisdem, quod electi Fratres de eo-
rum beneplacito & licentia dictum pos-
sint in eorum Civitatibus & Diœcesibus
intra eis determinatos fines officium ex-
ercere. Quod si Episcopi denegent, aut
intra triduum non concedant, ex tunc
eisdem Fratres nihilominus autoritate
Apostolica hujusmodi officium exequan-
tur.

Hæc dispositio Benedicti XI. Zelum
Pastorum sœcularium contra Religiosos
non restrinxit sed magis exacuit. Ideo

Ss 2 Cle-



324 *Titulus quintus. De Sacramento Pœnitent.*

Clemens V. in Concii. Viennensi per Clement. Dudum. 2. de Sepulturis constitutionem Benedicti ad terminos constitutionis Bonifacianæ reduxit. Hæc omnia cessant post Trident. ut imprimis declaravit Pius V. apud Paxjord. lib. 3. tit. 4. n. 119. Declaramus decretum Concilii Trident. de approbatione Regularium pro audiendis confessionibus sacerdotalium ab Episcopo facienda observari debere in omnibus Regularibus quorumcunque Ordinum eriam Mendicantium etiam sub regulari disciplina viventibus. 2d. Urbanus VIII. in speciali constitutione, quæ incipit: *Cum sicut accepimus.* Anno 1625. die 12. Septembr. idem declaravit. 3t. Alexander VII. 1659. damnavit hanc propositionem: *Concilium Tridentinum non obligat Regulares ad obtinendas approbationes ab Episcopis, ut secularium confessiones audire possint: neque de illius Concilii autoritate Privilegia Regularium restringi possunt, cum in Gallia receptum non sit, praterquam in decisionibus fidei, neque Bulla Pii IV. pro confirmatione illius Concilii promulgata.* Ann. 1665. damnavit hanc propositionem: *Satisfact precepto annua confessionis, qui confiteretur Regulari Episcopo presentato, sed ab eo injuste reprobato.*

2d. Hæc approbatio dari debet ab Episcopo jam confirmato & habente subditos, vel Vicario Generali, qui personam Episcopi sustinet, ejusque vices gerit, vel à Capitulo sede vacante, quod succedit in jurisdictionem Episcopi. cap. cum olim. 14. de Majorit. & obedientia. Nullus Episcopo inferior potest se ingenerere in approbationem Sacerdotum sa-

cræ pœnitentia ministrorum. S. Congregatio apud Jordan. loc. cit. Valet tamen approbatio confessariorum etiam pro sacerdotalibus tam subditis, quam confluentibus facta ab Abbe proprium & separatum Territorium ac Jurisdictionem quasi Episcopalem habente. Ita congregatio Episcoporum apud Baptista Pittoni tract. 1. n. 26.

3t. Approbatio ab Ordinario illius Diœcesis fieri dabit, in qua instituitur confessio; ita ut Episcopus sit Ordinarius confessariorum vel stabiliter, si hic in ea Diœcesi stabile habeat domicilium, vel transeunter, si tantum ad breve tempus ibidem moretur. Ita declaravit S. Congregatio apud Jord. cit. Approbatus ab alio Episcopo quam ab Episcopo Valentino in Diœcesi valentina non censetur approbatus. Item apud Pittoni. n. 105. Confessariorum extraordinarii ab Episcopo approbati, sive sint Regulares sive Sacerdotes, nullo pacto possunt confessiones audire extra Diœcesin Episcopi approbantis, quamvis confitentes eidem Episcopo sint subjecti. Item n. 152. Confessariorum quamvis Romæ approbati etiam Regulares non possunt audire confessiones extra territorium approbantis. Ex quo sequitur illud, quod declaravit Clemens X. in constitutione, quæ incipit: *Superna Patris familias.* Regulares ab Episcopo ad confessiones sacerdotalium in sua Diœcesi audiendas approbati, non possunt eas in alia Diœcesi absque Episcopi Diœcesani approbatione audire, quamvis pœnitentes subditi ejus Episcopi sint, à quo ipsi Religiosi approbati fuerunt. *Damnata est ab Ale-*
xand.



xand. VII. hæc propositio : *Regulares Ordinum Mendicantium semel approbati ab uno Episcopo ad confessiones audiendas in sua Diœcesi habentur approbati in aliis, nec nova indigent Episcorum approbatione.* Habent quidem Patres Societatis. JESU Privilegium Gregorii XIII. ut refertur in *Compendio Privilegiorum Verb. confessarius.* §. 2. Vi cuius confessarii ab aliquo Ordinario semel approbati, & à Superioribus suis ad hujusmodi munus semel deputati, quandocunque sive mari sive terrâ iter faciunt, possunt quorumcunque Christi fidelium confessiones audire ; attamen cum expressa limitatione : dummodo id non faciat in oppidis vel locis, in quibus Ordinarii existunt, nisi eorum licentiâ desuper obtentâ. Et Innocentius X. in causa Episcopi populi Angelorum in Indiis & Societatis. JESU declaravit, Religiosos Societatis. JESU non posse in Civitate & Diœcesi Angropolitana personarum sacerularium confessiones excipere sine approbatione Episcopi Diœcesani. Et S. Congregatio in eadem causa congregata definivit, Regularum Societatis. JESU in una Diœcesi ab Episcopo approbatum ad confessiones personarum sacerularium audiendas, nequaquam posse in alia Diœcesi hujusmodi confessiones audire sine Episcopi Diœcesani approbatione.

4^{to}. Habens beneficium Curatum non solum suorum subditorum confessiones excipere potest, ubicunque illi inventantur, de quo quæstione sequenti, sed etiam eo ipso est approbatus, ut eidem Jurisdictione alias absolvendi committi possit, secundum has tamen limitationes.

1^{ma}. Parochus approbatus per cursum censem idoneus ad audiendas confessiones etiam extra suam Parochiam, sed in ea tantum civitate vel loco, ubi sita est Parochialis Ecclesia, non autem passim per Diœcesin. Congregatio Episcorum apud Pettoni, tract. I. n. 36.

2^{da}. Parochus unius Diœcesis non potest audire confessiones in alia Diœcesi sine licentia Episcopi Diœcesani. Congregatio apud Pittoni, n. 122.

3^{ta}. Parochus non est amplius approbatus, postquam beneficium Parochiale dimisit, nisi sit approbatus per examen.

4^{to}. Qui confessarium eligendi Privilégium habent, juxta cap. fin. de Pœnit. & Remiss. de quo quæst. seq. non alium, quam approbatum in illa Diœcesi, in qua confitentur, eligere possunt. Prima pars constat ex propositione damnata ab Alexand. VII. Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario. Secunda pars constat ex declarationibus sequentibus : Episcopus extra suam Diœcesin existens non potest sibi in confessarium eligere Sacerdotem non subditum, & à proprio Ordinario non approbatum declaravit Gregor. XIII. apud Pittoni. tract. I. n. 30. Episcopus extra suam Diœcesin existens confiteri nequit, etiam Regulari à loci sui Ordinario non approbato, Congregatio Episcorum apud Pittoni. num. 104.

5^{to}. Ad audiendas confessiones virorum Regularium non requiritur approbatio Episcopi ; quia Tridentinum

Ss 3 appro-



326 Titulus quintus. De Sacramento Pœnitent.

epprobationem pro excipiendis confessionibus sacerdotalibus solum requirit, cui addit Clemens X, in constitutione, *Superna Patrisfamilias*. In Monasteriis, ac etiam Collegiis, ubi juxta Regularum instituta vivitur, possunt tam Prælati Regulares, quam Confessores Regularium eorundem Monasteriorum vel Collegiorum audire confessiones eorum sacerdotalium, qui inibi sunt verè de familia & continui commensales: non tamen illorum, qui tantum ipsis deseruntur.

7^{im}d. Confessor sive Regularis sive sacerdotalis, quomodolibet exemptus, tam Ordinarius quam extraordianarius ad confessiones Monialium etiam Regularibus subjectarum audiendas nullatenus deputari valent; nisi prius ab Episcopo Dicæsano idoneus judicetur, & approbationem quæ gratis concedenda, obtineant. Gregor. XV. in constitutione: *inscrutabili*. Quod magis declaravit Clemens X. in constitutione: *Superna Patrisfamilias*. Religiosus generaliter approbatus ab Episcopo ad personarum sacerdotalium confessiones excipiendas non censetur approbatus ad audiendas confessiones Monialium sibi subjectarum: sed eget quoad hoc speciali Episcopi approbatione. Item approbatus pro audiendis confessionibus Monialium unius Monasterii non potest audire confessiones Monialium alterius Monasterii. Item confessor extra-ordinarius semel deputatus atque approbatus ab Episcopo ad Monialium confessiones pro una vice audiendas, non potest expletâ deputatione in vim approbationis hujus-

modi illarum confessiones audire: sed toties est approbatus ab Episcopo, quoties casus contigerit. Hæc cum tanto rigore in nostris partibus non esse recepta constat ex praxi quotidiana.

8^{im}d. Episcopus tam sacerdotalium quam Regularium approbationes certis limitibus circumscribere, & ad certa loca, personas, & tempora restringere potest; constat ex propositione ab Alexand. VII. damnata: *Non possunt Episcopi limitare seu restringere approbationes, quas Regularibus concedunt ad confessiones audiendas, neque ulla ex parte revocare*.

9^{im}d. Episcopus singulos Sacerdotes simpliciter & absolute à se approbatos ab audiendis confessionibus emergente novâ causâ ad confessiones pertinente suspendere, ac etiam singulos Confessarios à suo Vicario Generali aut ab Antecessore approbatos ad novum examen vocare potest. Clemens X. in cit. constitut, *Superna Patrisfamilias*.

10^{im}d. Regulares, qui ad confessiones audiendas idonei generaliter ab Ordinariis corūmque Examinatoribus reperi & probati fuerint, generaliter & indistinctè absque aliqua limitatione temporis, locorum, aut generis personarum sunt admittendi in Dicæsi propria: in cæteris vero, qui non adeo idonei inveniuntur (si petierint se admitti) arbitrio Ordinarii relinquuntur ipsos cum limitata facultate admittendi. Clemens cit.

11^{im}d. Juxta decretum Innocentii XI. circa communionem quotidiam Anno 1679. editum, non est permittendum, ut venialium confessio fiat simplici Sacerdoti non approbato ab Episcopo aut Ordinario.



Ordinario. Si confessarii, etiam Regulares, aut quicunque alii secus egerint: sciant Deo ter Opt. Max. se reddituros esse rationem; neque defuturam Episcoporum & Ordinariorum justam & rigorotam animadversionem in contra facientes etiam Regulares, etiam Societatis JESU, facultate ipsis Episcopis & Ordinariis per hoc Decretum à Sede Apostolica specialiter attributâ.

Quæres quarti. Qualis requiritur in Confessorio Jurisdictio?

R. 1^o. Materia & ratio judicij illud exposcit, ut sententia in subditos tantum feratur. Trident. Sess. 14. cap. 7. Sacramentum autem pœnitentia administratur per modum judicij. Hinc in Judice fori pœnitentialis jurisdictio sive potestas in pœnitentem tanquam subditum requiritur; cum à non suo Judice nullus ligari & absolviri valeat. cap. quod autem. 4. de Pœnit. & Remiss. cap. eti Cle- rici. 4. de Judiciis.

2^o. Jurisdictio fori pœnitentialis duplex est: Ordinaria & delegata. Ut colligitur ex cap. Omnis utriusque sexus. 12. de Pœnit. & Remiss. Ubi præcipitur, ut confessio fiat proprio Sacerdoti: qualis est respectu omnium fidelium Papa, respectu Dicæsanorum Episcopus, respectu parochianorum Parochus. Si quis autem alieno Sacerdoti justa de causa voluerit sua confiteri peccata; licentiam prius postulet & obtineat à proprio Sacerdote: cum aliter ille ipsum non possit absolvere vel ligare. Alienus Sacerdos, qui de licentia proprii Sacerdotis absolvit, Jurisdictionem habet delegatam.

3^o. Omnis Sacerdos ex Ecclesia benignitate & generali consuetudine in tribus casibus fideles Sacramentaliter absolvendi jurisdictionem habet. 1^{mus}. Si confiteantur solum venialia: 2^{dus}. Si fiat confessio mortalium quidem, sed à quibus jam semel legitimè & directè sunt absoluti: 3^{tius}. Instante articulo mortis ex infirmitate aut vi aliqua externa moraliter certò vel saltem probabili ter secuturæ. Arg. cap. eos qui. 22. de Sententia excommunic. in 6. Notanda tamen notabilis hujus limitatio.

4^o. Sacerdos excommunicatus vitandus, sive denuntiatus non habet in his tribus casibus jurisdictionem absolvendi. Quod in duobus primis omnes admittunt; cum per excommunicationem majorem denuntiata excommunicatus careat usu jurisdictionis actualis. Arg. cap. ad probandum. 24. de Sentent. & re judicata. & cap. 1. de offic. Vicar. in 6. Quoad articulum mortis imprimis ab omnibus passim admittitur, quod praesente proprio, aut privilegiato, vel non excommunicato simplici Sacerdore, excommunicatus Sacerdos moribundum absolvere non possit; quia Ecclesia in necessitate concedens cuicunque Sacerdoti jurisdictionem, subvenire vult necessitatí fidelium: is autem moribundus, qui vel proprium, vel delegatum, aut non censuratum Sacerdotem praesentem habet, non est in necessitate. nec caret remedio salutis. Gravior est difficultas; si in periculo mortis non adsit alius Sacerdos, quam excommunicatus denuntiatus: an ille in hoc casu necessitatis absolvendi jurisdictionem habeat?

Fagna-



328 Titulus quintus. De Sacramento Pœnitent.

Fagnano in cap. non est vobis. de Sponsal. contra communem sententiam respondeat Negativè. Pro qua resolutione adfert respositionem S. Congregationis, quæ consulta ab Episcopo Valentino: utrum pœnitentes in articulo mortis constitutos à casibus reservatis absolveat possit quilibet Sacerdos, etiam excommunicatus & denuntiatus?

Respondit non posse. Textum Tridentini sess. 14. cap. 7. contrarium: Piè admodum, ne aliquis pereat in Ecclesiâ DEI, custoditum semper fuit, ut nulla sit reservatio in articulo mortis: atque ita omnes Sacerdotes quoslibet pœnitentes à quibuslibet peccatis & censuris absolvere possunt. Declarat S. Congregatio intelligendum esse de omnibus Sacerdotibus in unitate Ecclesie viventibus, & referendum ad eos Sacerdotes, de quibus eodem cap. 7. in prima & secunda parte agitur, videlicet, qui habent vel ordinariam, vel delegatam potestatem.

¶. Potestas absolvendi vel jurisdictione delegata tribus potissimum modis confertur. 1mus modus est Juris dispositio. Ita cuivis Sacerdoti, saltem non excommunicato vitando, ex dispositio-ne Juris potestas absolvendi in tribus casibus supra enumeratis committitur. Item Sacerdoti electo ab habentibus confessarium eligendi privilegium, per cap. final. de Pœnit. & Remiss. facultas absolvendi eligentem tribuitur. De quo quæst. sequenti. 2dus modus est commissio hominis sive expressa sive tacita illius, qui jurisdictionem ordinariam habet. Dicitur commissio tacita, hoc est: per factum aliquod, vel aliud sig-

num de præsenti manifestata: quia non sufficit commissio præsumpta: eo quod si superior adesset, licentiam certò daret; quia absolutio dari ab eo debet, qui de præsenti, dum absolvit, vel ordinariam vel delegatam obtinet jurisdictionem: & absolutio absque actuali jurisdictione nulla est, nec securè rati-habitio Superiore convalescit, juxta regulam Jur. 18. Non firmatur tractu temporis, quod de jure ab initio non subsistit. De Reg. Juris. in 6. Tertius modus est Privilegium: quale habent Religiosi. De qno

¶. Summum Pontificem potuisse Religiosis dare per Privilegium potesta-tem absolvendi fideles à peccatis, etiam invitis propriis Pastoribus, constat ex propositionibus Joannis à Poliaco, in Extray. Vas electionis. 2. inter com. de hereticis. damnatis. 1ma: Confessi Fratribus habentibus licentiam generalem audiendi confessiones, tenentur eadem peccata, quæ confessi fuerant, iterum confiteri proprio Sacerdoti. 2da: Stante edito Generali: omnis utriusque sexus. in Concil. Lateran. Romanus Pontifex non potest facere, quod Parochiani non teneantur omnia pec- cata sua semel in anno proprio Sacerdoti confiteri, qui est Parochialis curatus; imò nec DEUS posset hoc facere: quia impli-cat contradictionem. 3ta: Papa non po-test dare potestatem generalem audiendi confessiones; imò nec DEUS, quin confessus habenti licentiam, teneatur eadem confiteri proprio Sacerdoti, qui est proprius curatus.

De facto Religiosos mendicantes, & cum iis in Privilegiis communicantes habere jurisdictionem delegatam à Papa per



per Clement. dudum. de sepult. facetur gloss. in cap. 2. de pœnit. & remiss. in 6. Et colligitur ex Extrav. Vices illius 2. de treug. & pace. Ubi inhibitetur quidem Mendicantibus prædicare: quod Parochiani non sint obligati, saltem in Paschate proprio confiteri Sacerdoti: quia de jure tenetur parochianus saltem in Paschate proprio confiteri Sacerdoti: additur tamen, quod per hoc ipsi Fratres Mendicautes non censeantur exclusi, quominus secundum Juris communis & privilegiorum iisdem concessorum dispositionem confessiones audire & pœnitentias injungere valeant. Magis hæc constant ex Declarationibus S. Congregationis sequentibus apud Pitttoni tom. I. num. 226. Regulares semel simpliciter approbati possunt in Diœcesi Episcopi approbantis quovis anni tempore, etiam paschali, & quorumcunque infirmorum confessiones audire sine licentia Parochi, quem tamen monere debent de confessione, saltem per scripturam apud infirma relinquendam. Et n. 217. Qui Regularibus simpliciter approbatis paschali tempore confessi fuerint, constitutioni, quæ incipit: Omnis utriusque sexus quoad confessionem duntaxat satisfecisse censeantur. Item S. Congregatio apud Fagn. in cap. Omnis. de pœnit. & remiss. n. 27. Regulares intra diœcesin Episcopi approbantis possunt etiam absolvere pœnitentem alterius diœcesis, cum habeant jurisdictionem à Papa, ex Clement. dudum. de sepult. Ante Tridentinum unicum erat impedimentum in simplici Sacerdote, ne confessiones

R. D. Schnorrenberg Inst. J. Can.

extra necessitatem excipere posset; quia nemo alieno Sacerdoti sine proprii Sacerdotis licentia confiteri poterat, patet ex cap. Omnis. 12. de pœnit. & remiss. Hoc impedimentum sublatum erat in Regularibus per privilegium Apostolicum: Tridentinum superaddit alterum impedimentum: ut nullus jurisdictio-nis delegatae capax sit, sive ut nullus de licentia proprii Sacerdotis, qualis est per totam Ecclesiam Papa, per diœcesin Episcopus, per Parochiam Parochus, confessiones audire valeat; nisi à proprio Episcopo loci illius, in quo confessio audienda, approbatus sit. Et quantum ad hoc impedimentum Tridentinum privilegiis Regularium deroga-tio fatendum est.

7imò. Parochi alienorum Parochianorum confessiones excipere non possunt, etiam in propria parochia; nisi vel sint peregrini & itinerantes, vel expressam aut tacitam à proprio Parocho licentiam habentes. Ratio est: quamvis enim in Parocho eo ipso, quod parochiale beneficium obtineat, impe-dimento Tridentini, ne confessio non approbato sit, sublatum sit: impedimentum tamen juris communis nondum sublatum est; cum nec à Parocho jurisdictione ordinaria in alienum parochianum, nec delegata per proprii Sacerdotis licentiam habeatur.

8vò. Multò minus Presbyter sacer-laris in illa diœcesi, in qua est approbatus, confluentum ex aliena diœcesi confessiones excipere potest; cum enim jurisdictione, quam talis Presbyter ha-bere censetur, ab Episcopo, qui eum

Tt

ap-



330 Titulus quintus. De Sacramento Pœnitent.

approbavit, sit delegata, non extenditur ad eos, qui Episcopo deleganti non subsunt: ac propriea nulla est absolutionis sententia, quam is Sacerdos profert in eum, in quem nec ordinariam nec delegatam jurisdictionem habere dignoscitur. Fagn. in cap. fin. de pœnitent. & remiss. ex declaratione S. Congregationis. Parochus potest suos parochianos, ad quos respectivè jurisdictionem habet, in quocunque loco, quacunque diœcesi totius orbis absolvere. Ratio est: quia actus absolutionis sacramentalis jurisdictionis voluntaria actus est: Jurisdiction autem voluntaria circa proprium subditum in territorio alieno juxta universalem regulam glossæ in cap. novit. 7. de officio legati. exerceri potest.

9nd. Sacerdos sive regularis sive saecularis, si non sit proprius Parochus, extra diœcesin, in qua approbatus est, confessiones etiam subditorum Episcopi approbantis audire nequit. Ratio est; quia jurisdiction delegata, quam Regularis à summo Pontifice, Sacerdos saecularis ab Episcopo approbante habet, finibus diœcesis, in qua approbatus est, circumscrimitur. Ut saepius declaravit S. Congregatio apud Fagn. in cit. cap. fin. de pœnitent. & remiss.

Quætes septim. Qualiter per privilegium eligendi sibi confessarium habetur Jurisdiction?

10. prim. Tale privilegium conceditur in cap. ne pro dilatione. fin. de pœnit. & remiss. Ne pro dilatione pœnitentia periculum immineat animarum, permittimus Episcopis & aliis Superiori-

bus, nec non minoribus seu inferioribus Prælatis exemptis, ut etiam præter sui Superioris licentiam providum & discretum sibi possint eligere confessorem.

2dd. Per illa verba: Et aliis Superioribus: intelligi quoque Parochos probat Fagnan. in cit. cap. fin. Primo: quia beneficium Principis est latè interpretandum. cap. olim de V. S. 2dd. quia Parochi sunt Superiores; cum in cap. Tu nos. 4. de Cleric. agrot. dicantur fungi prælationis officio: & S. Thom. 2. 2. q. 188. a. 4. vocat eos Prælatos inferiores: & 3. p. q. 6. a. 2. ad 2. Ecclesiarum minores Principes. 3ti. Ratio, quare Episcopis aliisque Superioribus facultas detur eligendi confessarium, est: quia illis frequens celebratio, & quotidiana administratio Sacramentorum incumbit: ideoque in magno versarentur salutis periculo; nisi facultatem eligendi confessarium haberent. Quæ ratio parvioriter in Parochis tenere videtur.

3ti. Qui confessarium eligendi potestate gaudent, non alium, quam ab Episcopo approbatum eligere posunt. Ratio est: quia de facto duo impediunt, quominus simplex Sacerdos confessiones excipere valeat. 1. quidem defectus jurisdictionis in pœnitentem, qui ex parte hujus per privilegium eligendi confessarium suppletur: deinde defectus approbationis, ob quem Sacerdos per privilegium, quo pœnitens gaudet, suscipiendo jurisdictionem incapax est.

4ti. Episcopus Sacerdotem sibi subditum, quamvis alias à se non approbatum eligere potest; quia hoc ipso, quod



quod tamē eligat, approbare censetur. Taliter autem electus Sacerdos Episcopi subditus eandem, quam Episcopus in subditos suos habet, in ipsum Episcopum habet potestatem: ideoque ipsum ubique terratum absolvere potest, Fagn. in cit. cap. fin. de pœnit. & remiss. n. 15.

5to. Episcopus Sacerdotem extraneum alterius diœcesis in aliena diœcesi, sed nonnisi approbatum ab Ordinario illius diœcesis, vel habentem in illa beneficium parochiale eligere potest.

6to Confessarius extraneus in diœcesi aliena approbatus taliter ab Episcopo v.g. itinerante electus, per ipsam electionem quasi ordinariam à lege accepit jurisdictionem. Unde & Episcopi eligentis proprius & ordinarius Sacerdos esse censetur: ac proinde ad instar Parochi confessiones Episcopi tanquam sue ordinariae jurisdictioni subjecti in quacunque diœcesi habet audiendi facultatem. Fagn loc. cit. n. 30.

7tim. Regularis tempore Jubilæi potest quidem eligere confessorem extraneum à suo Prælato non approbatum; attamen confessarius iste ab Ordinario illius loci, in quo confessionem excipit, approbatus esse debet, ut declaravit S Congregatio apud cit. Fagn. n. 19.

8vo. Si Episcopus subdito suo potestam eligendi sibi idoneum confessarium concesserit, electus ab illo in casibus Episcopo specialiter reservatis nullam penitus habet absolvendi potestam, cap. si Episcopus. 2. de pœnit. & remiss. in 6. Cùm in generali concessione illa non veniant, qua non esset verisimilior quis in specie concessurus.

9nd. Nulla potest consuetudine introduci, quod aliquis præter sui Superioris licentiam confessorem tibi eligere valeat, qui cum possit solvere vel ligare: est expressus textus in cit. cap. 2. de pœnit. & remiss.

Quætes 8vö. Qualiter jurisdictione confessorum per reservationem casuum restringatur?

10. 1mo. Trident. sess. 14. cap. 7. docet: Magnopere ad Christiani populi disciplinam pertinere sanctissimis Patribus nostris visum est, ut atrociora quædam & graviora crimina non à quibusvis, sed à summis duntaxat Sacerdotibus absolverentur. Unde meritò Pontifices maximi, pro suprema potestate sibi in Ecclesia universalis tradita, causas alias criminum graviores suo potuerunt peculiari judicio reservare. Neque dubitandum est, quando omnia, quæ à Deo sunt, ordinata sunt, quin hoc idem Episcopis omnibus in sua cuique diœcesi in ædificationem tamen, non in destructionem liceat. Ulteriores reservationum rationes dant Theologi sequentes: 1. Ut peccatorum reservatorum gravitas magis innotescat, dum quilibet ab illis absolvere nequit. 2. Ut peccatis reservatis proportionata imponatur satisfactio. 3. Ut homines magis ab illis deterreantur tam ob cognitam eorum gravitatem, quam ad vitandam Ecclesiasticam disciplinam.

11. 2dd. Generales ad alicuius peccati reservationem conditiones requisitæ sunt: 1. debet esse peccatum mortale: quia licet Ecclesia venialia absolute re-

Tt 2 ser.



servare possit; cùm juridictionem ad absolvendum à venialibus sicut dare, ita & auferre & limitare valeat; de facto tamen nonnisi graviora & atrociora crimina, juxta textum Tridentini reservantur. 2. Debet esse opus externum: in præsenti enim nulla merè interna peccata reservantur; sed Ecclesia per reservationem peccata perceptibilia solum punire intendit: ita ut si quis faceret opus externum ad peccatum mortale secundum se non sufficiens, casum reservatum non incurret. Pro exemplo sit casus reservatus furtum in Ecclesia: Titius, qui furatus est rem levem ex Ecclesia; quamvis auferendi pretiosiora, si occasio tulisset, animum haberit; peccavit peccato gravi sacrilegii, non tamen casum reservatum incurrit.

3^{ta}. Debet esse peccatum consummatum.

Quia, cùm reservatio sit odiola, juxta proprietatem verborum ad actum perfectum restringenda est; nisi verba reservantis etiam operis attentionem exprimant. 4. Debet esse peccatum certum. Ideo peccata dubia, ut quando dubitatur, an peccatum sit commissum, vel quamvis sciatur commissum, si dubitetur, an semel legitimè sit clavibus subiectum, de facto sub simplici & ordinaria reservatione non comprehenditur. 5. Demum tot sunt casus reservati summo Pontifici, quot illi censuræ reservantur: quia de facto Papa sibi peccata propter censuras annexas reservat: ideo si Papa per privilegium absolvendi à censuris sibi reservatis facultatem alicui concedat, etiam absolvendi à casibus sibi reservatis fa-

cultatem concedere censetur; & quantumcunque propter ignorantiam censuræ annexæ, vel ex alia causa, non incurrit excommunicatio Pontifici reservata, peccatum, cui excommunicatio annexa est, voluntariè committens casum reservatum non incurrit. Exemplum est: In Germania, ubi Hæretici mixti Catholicis: Aliquis non sciens sub excommunicatione prohibitum legere libros hæreticos; quamvis id sapientius illicitum esse audierit, si legat librum hæreticum, peccat quidem; quia tamen propter contumaciam & inobedientiam contra Ecclesiam excommunicationem non incurrit, non habet casum summo Pontifici reservatum.

3^{ti}d. Per Bullam Cœnæ quotannis in Cœna Domini Romæ promulgari solitam excommunicantur excommunicatione majori summo Pontifici reservata, & consequenter casum reservatum incurront sequentes: 1. Hæretici cuiuscunque sectæ, eorundem fautores, libros hæreticos legentes, tenentes, imprimentes, & Schismatici. 2. Appellantes à Summo Pontifice ad futurum Concilium, eorumque fautores. 3. Piratæ ac eorum fautores & receptores. 4. Naufragorum Christianorum cuiuscunque generis bona etiam in littoribus inventa surripientes. 5. Imponentes nova pedagia & gabellas, vel eas augentes. 6. Falsarii Literarum Apostolicarum. 7. Deferentes arma & alia usui bellico idonea ad Turcas vel alios Christiani nominis inimicos, & proditores, qui ad Reipublicæ Christianæ statum pertinentia iisdem in-

dam-



damnum Christianorum nuntiant. 8. Impedientes eos, qui viœtalia & alia necessaria Romam convehunt. 9. Qui ad Sedem Apostolicam venientes vel ab ea recedentes suâ vel aliorum operâ lœdunt, & sine jurisdictione in Curia commorantes vexant. 10. Lœdentes Romipetas, sive peregrinos ad Urbem devotionis causâ accedentes, vel ad hoc consilium, auxilium, & favorem dantes. 11. Offendentes S. R. E. Cardinales aliœve Prælatos. 12. Appellantæ à gravamine vel futura executione literarum Apostolicarum ad Laicam potestatem. 13. Executionem literarum Apostolicarum impeditentes, aut prohibentes eos, qui ad gratiam imperrandam Curiam Romanam accedunt. 14. Judices sœculares, qui Ecclesiasticas personas ad sua tribunalia trahunt, vel Ecclesiasticam libertatem tollunt, vel in aliquo lœdunt, aut perturbant. 15. Impedientes Prælatos Ecclesiasticos ne suâ Jurisdictione utantur. Item qui judicia Ecclesiastica eludentes ad Curias sœculares recurrent. 16. Qui jurisdictiones, fructus, redditus, & proventus ad Ecclesiastas vel personas ecclesiasticas ratione Ecclesiistarum pertinentes usurpant, vel sequestrant. 17. Imponentes decimas & alia onera personis Ecclesiasticis, Ecclesiis, aut eorum fructibus. 18. Judices sœculares, qui se interponunt in causis capitalibus seu criminalibus contra personas Ecclesiasticas. 19. Demum occupantes bona aut terras Ecclesiæ Romanæ, vel illius jurisdictionem usurpantes.

4rd. Præter casus in Bulla Cœnæ reconsitos multi casus Summo Pontifici

reservati sunt, quorum alii in corpore Juris, alii in Extrav. Juri insertis, alii in constitutionibus Apostolicis nondum in jus communè relatis continentur. Specialiter per declarationem S. Congregationis assentiente Clement. VIII. Anno 1602. 26. 9bris ablata potestate absolvendi in Italia omnibus Regularibus reservati sunt præter casus Bullæ Cœnæ sequentes: 1. Violatio immunitatis Ecclesiastice in terminis constitutionis Gregorii XIV. quæ incipit: *Cum aliâs nonnulli.* 2. Violatio clausuræ Monialium ad finem malum. 3. Provo-
catio & pugna in duello contra prohibitiōnem Tridentin. & constitutionem Greg. XIII. 4. Injeſtio violenta manuum in Clericum. *Can. si quis suadente cauf. 12. q. 4.* 5. Simonia realis scienter contracta, aut etiam confidentialis in beneficiis.

5th. Casus Episcopis reservati alii sunt de jure, alii de consuetudine. *Extrav. inter cunctas de Privileg.* Aliquos autem de facto sibi reservant, qui hodie casus Episcopales vel casus Episcopo reservati vocantur. De quibus S. Congregatio sub Clemente VIII. supra relata. Ne locorum Ordinarii, ad quos causaum reservatio spectat, ea in re modum excedant: Sacra Congregatio imprimis illos admonendos censet, ne paſſim, sed cum id videatur bono communi expedire, atrociorum tantum & graviorum criminum absolutionem sibi reſervent, quorum reservatio ad Christianam disciplinam retinendam conferat, in ædificationem, non autem in destructionem cedat: ne alioquin Sacramenti

T t 3 Pœni-



Pœnitentia Ministrorum coartata potestate sanctæ Matri Ecclesiæ piæ mentis contrarius effectus subsequatur. Deinde prohibet, ne sibi superflue reseruent casus in Bulla die Cœnæ Domini legi solita contentos, neque alias Sedis Apostolicæ specialiter reservatos. Juxta agendum Colonensem Archi-Episcopo Colonensi reservati sunt casus sequentes: 1. Homicidium. 2. Sacilegium. 3. Incendium Ecclesiæ deliberatâ voluntate procuratum. 4. Sodomia. 5. Adulterium manifestum. 6. Raptus Virginum. 7. Incestus cum consanguinea in 1mo vel secundo Gradu, vel Sanctimoniiali. 8. Injectio violenta manuum in parentes cum lazione. 9. Sortilegia & beneficia, & ligaturæ, & omne maleficium, quo impeditur actus matrimonialis in conjugibus. 10. Perjurium manifestum. 11. Apostasia à fide. 12. Blasphemiae magnæ seriò prolatæ. In quibus casibus haec moderatio observanda, ut si occulti sint, quilibet Sacerdos legitimè approbatus & institutus in foro conscientiæ absolvere possit.

6^{to}. Ex constitutione Clement. VIII. de casibus reservatis Superiores Regularium sibi reservare possunt casus sequentes: 1. Beneficia, Sortilegia, incantationes. 2. Apostasia à Religione sive dimisso sive retento habitu, quando eò pervenitur, ut extra septa Monasterii vel Conventū fiat egressio. 3. Proprietas contra votum paupertatis, quæ sit peccatum mortale. 4. Juramentum falsum in judicio regulari sive legitimo. 5. Procuratio, auxilium, sive consilium ad faciendum abortum factū animi,

mati, effectu etiam non factu. 6. Falsificatio manus aut Sigilli Officialium Monasterii aut Conventū. 7. Furtum de rebus Monasterii seu Conventū in ea quantitate, quæ sit peccatum mortale. 8. Lapsus carnis voluntarius opere consummatus, quo nomine non sola copula, sed voluntaria etiam & solitaria pollutiones juxta communem sententiam intelliguntur. 9. Occidio seu vulneratio, aut gravis cujuscunque personæ percussio. 10. Malitiosum impedimentum seu retardatio aut apertio litterarum à Superiori ad inferiores, vel ab inferiori ad Superioris. Si quid aliud pro religionis conservatione aut conscientiæ puritate superioribus reservandum videbitur, id non nisi ex declaratione & consensu Capituli Generalis pro toto Ordine, aut Provincialis pro Provincia fieri permittitur. Possunt tamen Prælati Confessariis injungere, ut pro quibusdam peccatis etiam non reservatis certas pœnitentias imponant.

7tm. Generalis circa absolutionem à reservatis regula est: quod ordinariam absolvendi potestatem habeat referens, ejus Superior & Successor: delegatam autem quilibet ex commissione & delegatione judicis reservantis.

8^{vv}. Circa casus Pontifici reservatos absolvendi ab eis potestarem Episcopi obtinent in circumstantiis sequentibus: 1. Si peccatum occultum, per Trident. Sess. 24. cap. 6. ibi: Licet Episcopis in irregularitatibus omnibus & suspensib; ex delicto occulto provenientibus, exceptâ eâ, quæ oritur ex homicidio voluntario, & exceptis aliis deductis ad forum

forum contentiosum dispensare : & in quibuscunque casibus occultis , etiam Sedi Apostolicæ reservatis , delinquentes quoescunque sibi subditos in Diœcesis sua per se ipsos, aut Vicarium ad id specialiter deputandum in foro conscientiæ gratis absolvere , impositâ pœnitentiâ salutari. Idem & in hæresis crimine , in eodem foro conscientiæ, eis tantum, non eorum Vicariis, sit permisum. Hoc Decretum Tridentini ad casus in Bulla Cœnæ contentos non extenditur , nec ab illis vigore hujus Decreti Episcopus absolvere potest. Declaratum est à Gregorio XIV. & Clemente VIII. Item S. Congregatio apud Piacelium in praxi Episcop. Par. 2. cap. 1. n. 4. interrogata : An Episcopus hodie ex cap. 6. Sess. 24. Lapsos in hæresin , non obstante Bulla Cœnæ Domini absolvere possit ? censuit illam Bullam derogare Decreto capit. 6. Sess. 24. 2. Si quis legitimo impedimento detentus ad Sedem Apostolicam vel ejus Legatum accedere non possit. cap. de cætero. cap. quamvis. cap. quod de his. cap. ea noscitur. de Sentent. excomm. Causæ legitimè impedientes numerantur : paupertas, valetudo imbecillis, perpetua infirmitas, conditio sexus muliebris, status servilis, impuberis, Rellgio. cap. mulieres. 6. cap. cum illorum. 32. de Sentent. excomm. 3. Demum à percussione levi Clerici absolvere potest Episcopus : cap. pervenit. 17. de Sentent. excomm. Quæ levitas ex qualitate personæ percussæ , percutientis , modo & loco percussionis, sive ex circumstantiis facti ponderanda est. Habens ab Episcopo generalem à casibus

reservatis absolvendi licentiam ab his casibus absolvere nequit : quia, nisi alter exprimatur , censetur tantum concessa potestas circa peccata ab Episcopo per potestatem ordinariam reservata.

9nd. Ex pluribus Privilegiis , & signanter ex Privilegio Pauli III. ut referatur in compendio Privilegiorum Societ. JESU. Verb. absolutio. Possunt P. P. Societas. JESU & regulares cum illis in Privilegiis communicantes ab Ordinariis approbati, & à Superioribus Deputati absolvere à quibuscunque peccatis etiam Sedi Apostolicæ reservatis , & à quibuscunque censuris & pœnis Ecclesiasticis ex his resultantibus. Hæc & similia Privilegia Regularium limitata sunt per sequentia : Imprimis S. Congregatio , approbante Summo Pontifice, Anno 1628. declaravit : Regulares cuiuscunque Ordinis & instituti , nec intra nec extra Italiam , in vim Privilegiorum vel confirmationum , quas habetenus obtinuerunt, vel deinceps forte obtinebunt, posse quenquam absolvere à casibus in Bulla Cœnæ aut Ordinario loci reservatis : ab aliis verò casibus & censuris Sedi Apostolicæ reservatis , si quidem Regulares habeant à Sede Apostolica absolvendi facultatem, illam extra Italiam minimè esse sublatam.

Deinde Clemens X. in constitutione, quæ incipit : *Magna Patrisfamilias.* Declaravit ex facultatibus per mare magnum aliâve Privilegia Regularibus cuiuscunque Ordinis , instituti, aut Societatis etiam JESU concessis , factam iis non esse potestatem absolvendi in casibus ab Episcopo reservatis ; & per con-

firma-



336 Titulus quintus. De Sacramento Pœnitent.

firmationes dictorum privilegiorum , quas Regulares à Sede Apostolica post Tridentinum obtinuerunt, nequaquam revixisse Privilegia prius ab eodem Concilio , aut deinde Apostolicis etiam decretis sublata atque extincta, si quæ habebant , absolvendi à casibus Episcopo reservatis. Et habentes facultatem absolvendi ab omnibus casibus Sedi Apostolice reservatis , non ideo à casibus Episcopo reservatis posse absolvere : posse autem Regularem confessorem in ea Diœcesi , in qua est approbatus, confluentes ex alia Diœcesi à peccatis in ipsa reservatis , non autem in illa , in qua idem confessor approbatus est , absolvere ; nisi eosdem pœnitentes in fraudem reservationis noverit ad alienam Diœcesin pro absolutione obtainenda exiisse.

10m̄. Quando confessarius habet pœnitentem cum casu manifestè reservato , à quo eundem nec Jure ordinario nec delegato absolvere potest, cum vel ad superiore remittere , vel ipse à superiore absolvendi facultatem petere debet. Constat ex illo Trident. Sess. 14. cap. 7. Cum Sacerdotes nihil possint in casibus reservatis , id unum pœnitentibus persuadere nitantur , ut ad superiores & legitimos Judices pro beneficio absolutionis accedant. Et ratio est: quia ad integratatem confessionis pertinet , ut de omnibus mortalibus fiat coram legitimo Judice accusatio : qualis ille tantum est , qui de integra causa cognoscendi habet potestatem , ut absolutione ab eodem legitimè obtineri possit.

11m̄. Si aliqua necessitas urgeat, ut si Sacerdos sacrificare , aut Laicus communicare debeat , & non sit facilis ad superiore accessus , confessarius non habens potestatem in reservata pœnitentem absolvere potest : ita ut absolutio directè cadat in non reservata, indirectè vero in reservata , imposito simul pœnitenti onere superiori se præsentandi , ut à reservatis quoque directè absolvatur ; nisi ipse confessarius absolvendi licentiam, personâ pœnitentis non nominatâ , à superiore impetrare malit.

12m̄. Si Episcopus facultatem absolvendi à reservatis concedat ; ex hoc facultatem absolvendi à censuris , aut dispensandi in votis, vel irregularitate dare non censetur. cap. si Episcopus. de Pe- nit. & Remiss. in 6. Et quamvis dicat: Committimus tibi vices nostras: potestatem absolvendi in casibus specialiter reservatis tribuere non dicitur. per cap. in Generali. de reg. Juris. in 6. Aliud est in Papa : qui eo ipso quo dat potestatem absolvendi à reservatis , etiam facultatem absolvendi à censura, cum censura casui Papali semper annexa sit, concedere dicendus est.

13tið. In probabili mortis articulo omnis Sacerdos etiam non approbatus, nec expositus in absentia Sacerdotis ordinariam vel delegatam jurisdictionem habentis à quibuscumque reservatis Papæ vel Episcopo , & non tantum à peccatis ; sed etiam censuris, quæ Sacramentorum susceptioni & Ecclesiasticæ sepulturæ obstant , ut excommunicatio, interdictum locale &c. absolvendi habet potestatem. In articulo mortis abso-



absolutus cessante periculo non est obligatus, ut se Superiori, cui jure Ordinario absolutio à talibus peccatis reservata est, coram sisstat: quia juxta declarationem Trident. in morte nulla est reservatio. Si tamen peccato annexa censura superiori reservata; tunc absolutus, cessante mortis periculo, superiori, ad quem de Jure Ordinario pertinet absolutio, se h̄istat, necessè est: non quidem, ut iterum absolvatur: sed ut mandato ejus, cui contumaciter restitutus, humiliiter obtemperet.

14^{ta}. Quicunque Confessarius sive Regularis sive sacerdotalis præsumit absolvere absque legitima facultate ab aliquo casu in Bulla Cœnæ Domini contento, ipso facto excommunicationem Bullæ Cœne incurrit.

Quæres nom̄. Quas qualitates confessarius habere debet?

1^a. In confessorio requiritur 1. *Scientia*. Caveat spiritualis Judex, ut non careat munere scientiæ: oportet enim, ut sciat cognoscere, quidquid debet judicare. Judiciaria enim potestas hoc ex postulat, ut, quod debet judicare, discernat. *Can. qui vult.* 1. *de Pœnit. dist. 6.* Quare qui confiteri vult peccata, ut inventiat gratiam, querat Sacerdotem scientem ligare & solvere: ne, cum negligens circa se extiterit, negligatur ab illo, qui eum misericorditer monet, & petit, ne ambo in foveam cadant, quam stultus evitare noluit. *Can. quem pœnit.* 88. *de Pœnit. dist. 1.* 2. *Probitas*. Sacerdos, cui offertur peccator, ante quem statuitur omnis languor, in nullo eorum sit judicandus, quæ in alio judica-

R.D. Schnorrenberg Insti. J. Can.

re est promptus. Judicans enim alium, qui est judicandus, condemnat se ipsum. *cit. Can. qui vult.* 3. *Prudentia*. Sit confessarius diligens Inquisitor, & subtilis investigator, sapienter & quasi astutè interroget à peccatore, quod forsitan ignorat, vel verecundiâ velit occultare. *cit. Can. qui vult.* 4. *Demum benignitas, & discretio*. Adsit benevolus, paratus erigere, & secum onus portare: Habeat dulcedinem in affectione, pietatem in alterius criminis discretionem in varietate: adjuvet confidentem orando, eleemosynas dando, & cætera bona pro eo faciendo: semper eum juvet leniendo, consolando, spem promittendo, & cum opus fuerit, etiam increpando. *cit. Can. qui vult.*

Quæres decim^a. Quanta obligatio Confessarii ad Sigillum?

1^a. Obligatur confessarius ex jure naturali & divino peccata in confessione audita reticere. Sic enim loquitur *Can. Sacerdos*. 2. *de Pœnit. dist. 6.* Sacerdos ante omnia caveat, ne de his, qui ei confitentur, peccata alicui recitet: non propinquis, non extraneis, neque, quod absit, pro aliquo scandalio. *Cap. omnis utriusque*. 12. *de Pœnit. & Remiss.* Caveat omnino, ne verbo aut signo, aut alio quovis modo aliquatenus prodat peccatorem: sed si prudentiori consilio indigerit, illud absque ulla expressione cautè requirat. Nunquam igitur est revelanda confessio, nisi de consensu pœnitentis. *Gloss. in cit. Can. Sacerdos*. Quia illud, quod scit Sacerdos ex confessione, non ut Judex vel ut homo scit, sed ut DEUS. *Cap. si Sacerdos*. 2. *de officie. Or-*

Uū dinar.



dinar. Et qui peccatum in pœnitentiali judicio sibi detectum præsumperit revealare ; non solum à Sacerdotali officio est deponendus , verum etiam ad agendum perpetuam pœnitentiam in arctum monasterium est detrudendus. *cit. cap. omnis utriusque.*

Quæres undecimò. An liceat Sacerdoti uti scientiâ confessionis.

R. 1. Nullo modo in præjudicium pœnitentis. Anno 1682. 18. 9bris prohibita est hæc propositio : Scientiâ ex confessione acquisitâ , modò siat sine directa vel indirectâ revelatione & gravamine pœnitentis , ut licet , si aliud multò gravius ex non usu sequatur , in cuius comparatione prius merito contemnatur. Additâ deinde explicatione sive limitatione : quod intelligenda sit de usu Scientiæ ex confessione acquisitæ cum gravamine pœnitentis , seclusâ quacunque revelatione , atque in casu quo multò gravius gravamen ejusdem pœnitentis ex non usu sequeretur. Et Clemens VIII. Anno 1593. 26. Maji , in Decreto de Reservatione casuum pro Regularibus , in fine præcipit , ut tam Superiores pro tempore existentes , quam confessarii qui postmodum ad superioritatis gradum promoti fuerint , caveant diligentissimè , ne eâ notitiâ , quam de aliorum peccatis in confessione habuerint , ad exteriorem gubernationem utantur. Ratio est : quia pœnitentes si scirent , ex notitia peccati in confessione detecti aliquid sibi negari aut fieri circa se ullo modo posse , ab usu Sacramenti pœnitentiae abstraherentur. Finaliter nota Doctrinam Fagnani in *cap. Officii. 9. de Pœnit. & Remiss.* Ubi quæ-

rit : an liceat contra sigillum revelare peccatum ; quod in confessione auditum , sine directa vel indirecta manifestatione peccatoris ? & respondet imprimis id licitum consilii capiendi causâ , ut patet ex *cap. Omnis utriusque.* ibi : Si prudentiori consilio indiguerit , illud absque ulla expressione personæ caue requirat. Deinde extra hunc casum capiendi consilii dicit ex Jure Ecclesiastico prohibitum , peccata in confessione audita aliis manifestare vel de iis loqui propter periculum , quod saepius subest. Unde malè faciunt , & ad minus contra Regulas prudentiæ peccant , qui in conferentiis & colloquiis sibi talem aut similem casum in confessione propositum esse dicunt vel fatentur.

Quæres duodecimò. Ad quem Judicem pertineat cognoscere de violatione Sigilli?

R. 1mò. Si reus Sacerdos non exemptus , Judex est Ordinarius. Colligitur ex *cap. significasti. 5. de adulter.* Ubi Alexand. III. Episcopo injungit , ut Sacerdoti infamato , ne contra Apostolum infirmorum corda malâ ipsius famâ percutiantur , & ne vituperetur ministerium nostrum , neque securiores Presbyteri existentes in peccatum licentius prolabantur , canonicam purgationem imponat.

2dò. Sacerdos exemptus sive Regularis sive secularis , cui cura animarum non est commissa , nec ab Ordinario approbatus , si Sacramentorum administrationi se se ingressit , aut alias in Sacramentis administrandis erravit , ut fieret , si sigillum frangeret , jurisdictioni &

cor-

correctioni Episcopi non subjicitur; sed à suo superiore vi juris communis & Tridentini, ut probat Fagnan, in cap. cum capella de Privil. corrigendus est. Attamen per constitutionem Gregorianam *inscrutabili*. tam Regulares quam sacerdotes quomodolibet exempti, sive animarum curam personarum sacerdotium Monasteriis seu domibus regularibus, aut quibusvis aliis Ecclesiis vel beneficiis, sive regularibus, sive secularibus incumbentem exerceant, sive alias ecclesiastica Sacra menta, aut unum ex illis ministrent, præviâ Episcopi licentiâ & approbatione, sive quoquo modo in dictæ curæ exercitio, aut in eorundem Sacramentorum, vel alicujus ex illis administratione de facto absque ulla auctoritate se ingerant, in his, quæ ejusmodi curam seu administrationem concernunt, omnimodæ jurisdictioni, visitationi, & correctioni Diœcesani Episcopi

copi tanquam Sedis Apostolicæ Delegati plenè in omnibus subjiciuntur.

Clemens X. addidit in constitutio ne: *Superna*. Si Regulares cum scandalô aut aliâs in honeste vivant, vel aliquod delictum committant, per quod rationabili Episcopi judicio videantur à confessionibus suspendendi: in quo ipsius Episcopi conscientiam oneratam esse voluit; cum præcipua Ministri Sacramenti pœnitentiaæ qualitas sit vitæ integritas ac morum honestas: utique eam causam ad confessionis ministerium pertinere, ac proinde nihil obstare, quominus ob eam possit Episcopus Regulares à semetipso approbando suspendere aut repellere à confessionibus audiendis: attamen confessiones audiendi facultatem omnibus simul unius Conventus Regularibus confessoribus adimi ab Episcopo, inconsultâ Sede Apostolicâ, nullatenus posse.



U u 2

APPEN-